

UKA2015/18

Uunga siunnersuut: Imm. 1-im i allassimasutut, imm. 2-mi piffissamut pilersaarut allassimasoq naapertorlugu aammalu imm. 3-mi aningaasaleeriaasissat allassimasut akuleriissillugit mittarfinnik pilersaarusiornissamut sanaartornissamullu Naalakkersuisut peqquneqarnissaannik Inatsisartut aalajangiiffigisassaat.

(Ineqnarnermut, Sanaartornermut Attaveqaqtigiinnermullu Naalakkersuisoq, Aningaasaqarnermut Aatsitassanullu Naalakkersuisoq, Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

aamma

UKA2015/167

Assartuussinermi ataatsimut akissaajaatit annikillisinnissaat, timmisartuussisarnerup akulikillinissaa aamma unammilleqatigiinnerup annertusisinnaanera siunertaralugit Mittarfinnik sanaartorneq pillugu Inatsisartut inatsisissaattut siunnersummik qinigaaffimmik matumani Naalakkersuisut saqqummiussinissaannik peqquneqarnissaannut Inatsisartut aalajangiiffigisassaattut siunnersuut. Tamanna pissaaq mittarfiit, qulimiguullit mittarfiisa akunnisimaartarfiisalu piusut amerlanerpaamik 19-inut ilaasoqarsinnaasunut mittarfinnut millilernerisigut aamma allilernerisigut.

(Inatsisartuni ilaasortat: Anders Olsen, Siumut, Jens-Erik Kirkegaard, Siumut, Tillie Martinussen, Demokraatit, Ane Hansen, Inuit Ataqatigiit, Kalistat Lund, Inuit Ataqatigiit)

Akissuteqaat

(Ineqnarnermut, Sanaartornermut Attaveqaqtigiinnermullu Naalakkersuisoq)

Aappassaanneerneqarnera

Inatsisartut Sanaartornermut Ataatsimiititaliaat UKA2015-imi siunissami silaannakkut angallannermut aalajangiiffigisassatut siunnersummik peqqissaartumik tamakkiisumillu suliaqarnermigut isumaliutissiisummillu saqqummiussinermigut ullunut nutaanut takkutilersunut pingaruteqarluinnartumik alloriarpoq.

Ataatsimiititaliap sulinerani nunatsinni attaveqaatinik ineriartortitsineq qanoq pisariutiginersoq, aningaasartuuteqarfutiginersoq ajornakusoortiginersorlu, tamatumalu peqatigisaanik qanoq pingaruteqartiginersoq takutinnejarpooq.

Naalakkersuisunit Sanaartornermut Ataatsimiititaliap sulinera iluarismaarpalput, tassanilu ataatsimiititaliap sulinini isumaqatigiilluni aammalu partiini killiffit akimorlugit suliarisimavaa. Ataatsimiititaliap siunnerfiisa Kalaallit Nunaanni tamarmiusumi silaannakkut angallannermut attaaveqaatinik tamarmiusunik annertuumik ineriartortitsinermut ilagittillugu piviusunngortinneqarnissaat Naalakkersuisunit anguniarneqassaaq.

Pilersaarusiornerni tulleriaarinerit pinngitsoorneqarsinnaanngitsut arlaliupput, taakkunilu aningaasalersuinissamut, suliat imminnut akilersinnaassusissaannut sulianilu pineqartuni ineriartorfissaannut periarfissat naapertuuttumik eqqarsaatigineqassapput. Avatangiisinut sunniutaasinjaasut naliliiffigineqassapput, aammalu ineriartortitsinermi sapinngisamik suliat assigiinngitsut sunniutissaasa amerlanissaat, nunallu immikkoortuisa ataqatigiinnissaasa naammassineqarnissaq ulakkeerneqartariaqarput.

Mittarfinnut tunngatillugu suliniutit arlallit ineritinneqarluarsimapput suliarilluagaallutillu, taamaattumillu taakku salliuinneqartariaqarput. Nuummi Ilulissanilu mittarfiit salliuinneqartariaqarnerat pillugu Sanaartornermut Ataatsimiitaliap isummernera Naalakkersuisunit tusaatissatut tiguarput. Suliat taakku misissoqqissaarlugaanerat, annertuumik imminnut akilersinnaassuseqarnerat, aammalu atorneqalernerminni erngerlutik pilersaarummi tamarmiusumi immikkoortut imminnut akilersinnaannginnerusut naammassineqarnissaannut isaatitseqataasinnaanerat Ataatsimiitaliap innersuussutigaa.

Tamatuma peqatigisaanik Qeqqata Kommunianik Kangerlussuup siunissaa pillugu oqaloqateqarnini tunngavigalugu sulinermanni aningaasaleeqqinnissamut pisariaqartitat paasineqartut uppernarsaqinnejarnissaat tunngavilersorneqarnissaallu, najukkami inuussutissarsiorfiusinnaasunik piviusunngortitsinissaq aammalu Kangerlussuup mittarfiata attaveqaatini inisisimaffissaa nutaaq Naalakkersuisunit salliuinniarparput.

Soqtigisallit attuumassuteqartut, tapertaasussat pisinnaasallillu sulinermut akuutinneqarnissaat, taamaalillunilu aaqqiissutissanik pitsaanerpaanik pilersarusiornissap aningaasalersorneqarnissa piviusunngortinnejarnissaalu Sanaartornermut Ataatsimiitaliatulli Naalakkersuisunit pingartippalut.

Taamatut oqaaseqarlunga siunnersuutit Inatsisartuni kajumittumik suliarineqartussanngorlugit tunniuppakka.